



Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

Broj: 01/1-02-3118/17

Breza, 31.01.2018. godine

Na osnovu člana 19. tačka 25. Statuta Općine Breza ("Službeni glasnik Općine Breza", broj 8/09 – Prečišćeni tekst) i člana 48. Poslovnika o radu Općinskog vijeća Općine Breza ("Sl.glasnik Općine Breza", broj 3/11 – Prečišćeni tekst), Općinsko vijeće Breza, na sjednici održanoj dana 31.01.2018. godine, donosi:

PROGRAM RADA **Općinskog vijeća Općine Breza za 2018. godinu**

UVOD

U skladu sa pravima i obavezama utvrđenih u Ustavu Federacije BiH, Ustavu Zeničko-dobojskog kantona, zakonima, Statutom Općine Breza (u daljem tekstu Statut) i Poslovniku o radu Općinskog vijeća Breza (u daljem tekstu Poslovnik), Općinsko vijeće Breza (u daljem tekstu: Vijeće) utvrđuje Program rada vijeća za 2018. godinu koji obuhvata period januar-decembar 2018. godine.

Ovim Programom rada Vijeće utvrđuje ciljeve, aktivnosti i djelovanja u skladu sa svojim nadležnostima i djelokrugom poslova i zadataka predviđenih u Ustavu, zakonu, Statutu i Poslovniku Vijeća.

Program rada Vijeća sadrži zadatke Vijeća koji proizilaze iz Ustava, zakona, utvrđene politike ekonomskog razvoja Općine i Kantona, kao i druge poslove i zadatke u rješavanju značajnih društvenih pitanja od neposrednog interesa za život građana Općine Breza.

Vijeće će razmatrati pitanja i akte koje predlaže općinski načelnik i nadležne općinske službe, vršiti izbor i imenovanja, program rada će biti otvoren i za druga pitanja i inicijative koja bude nametala svakodnevna potreba za njihovo razmatranje iz nadežnosti Općinskog vijeća, kao predstavničkog organa općine.

Svi organi, organizacije i pojedinci na čiji se djelokrug rada naslanja Program rada Vijeća dužni su da u svojim programima preuzmu one planirane aktivnosti na čijoj će realizaciji raditi i time doprinijeti neposrednoj i potpunoj realizaciji ovog Programa.

Predsjedavajući općinskog vijeća, općinski načelnik i rukovodeći državni službenici dužni su da blagovremeno i sa najvišim stepenom profesionalnosti poduzimaju aktivnosti na realizaciji ovog Programa rada i redovno ažuriraju izvršenje Programa i informišu općinsko vijeće o realizaciji Programa.

OPĆI DIO

1. ZAŠTITA LJUDSKIH PRAVA

Ustavna obaveza svih nosilaca vlasti u Bosni i Hercegovini je da obezbijede najveći nivo ostvarivanja ljudskih prava i osnovnih sloboda u skladu sa međunarodnim standardima.

Imajući u vidu poseban značaj Evropske konvencije za zaštitu ljudskih prava i osnovnih sloboda sa odgovarajućim protokolima, koji se prema Ustavu BiH direktno primjenjuju i imaju prioritet nad svim drugim zakonima kao i Statutom, Općinsko vijeće će i dalje poštivati i izvršavati obaveze koje iz nje proizilaze.

Dokumentima Općine, prije svega Statutom i Poslovníkom uređena su bitna pitanja koja se odnose na ljudska prava, slobode i njihovu zaštitu.

U skladu sa odredbama Zakona o ravnopravnosti spolova u BiH Vijeće će poduzeti sve odgovarajuće potrebne mjere radi provedbe odredbi propisanih zakonom.

2. PRIVREDA I ZAPOSŁJAVANJE

Kao glavno težište svoje politike određuje se privredni razvoj općine i u tom smislu Vijeće će se u narednom periodu zalagati na stavljanje pod upravu općine Breza svih prirodnih resursa koji se nalaze na njezinom području s ciljem pribavljanja finansijskih sredstava koja će se u najvećoj mjeri uložiti u svrhu zapošljavanja.

Vijeće će se u programskom periodu, u okviru nadležnosti zalagati i poduzeti aktivnost na stvaranju što povoljnijeg ambijenata u cilju ulaganja domaćeg i stranog kapitala na području Općine i njen strateški razvoj u oblasti industrije, zanatstva, poljoprivrede, turizma, prostornog i komunalnog uređenja i zaštite i unapređenja čovjekove okoline.

Vijeće će se pridružiti aktivnostima Saveza općina i gradova na iniciranju donošenja zakona od strane nadležnih organa F BiH i Zeničko-dobojskog kantona kako bi se Zakon o principima lokalne samouprave u F BiH implementirao u cjelosti.

Posebna pažnja će se posvetiti lokalnom ekonomskom razvoju i ustrajati u podršci poljoprivrednog sektora sa naglaskom na podršku u radu poljoprivrednih udruženja, kao i individualne poljoprivredne proizvođače u ostvarivanju prava na podsticaj kako od strane općine tako i sa viših nivoa vlasti.

3. POSLOVI PROSTORNOG UREĐENJA, KOMUNALNI POSLOVI I ODNOS PREMA OKOLINI

Oblast prostornog uređenja je jedna od bitnijih djelatnosti Općine. Zakonom o prostornom uređenju utvrđene su nadležnosti Općine u ovoj oblasti, a naročito da Vijeće predhodno odlučuje o pristupanju izradi, odnosno izmjenama i dopunama planova prostornog uređenja kao temeljnih akata razvoja Općine, utvrđuje nacрте dokumenata prostornog planiranja koje stavlja na javnu raspravu i na osnovu rezultata provedene javne rasprave razmatra prijedloge planova i iste donosi.

Vijeće će se zalagati za racionalno korištenje građevinskog zemljišta putem izrade industrijske zone, planiranjem prostora za kolektivnu i individualnu stambenu izgradnju i uređenje građevinskog zemljišta.

Općinsko vijeće će voditi aktivnu politiku i preduzimati potrebne mjere štiteći interese općine Breza, na zaštiti prirodnih resursa na području općine Breza i u postupku određivanja zaštićenih područja i zalagati se da lokalna zajednica, kao i područja na kojima se eksploatišu prirodni resursi, koji imaju adekvatnu naknadu.

4. BORAČKO - INVALIDSKA ZAŠTITA

Vijeće će u okviru svoje nadležnosti učestvovati u rješavanju problema boračke populacije, i u tom smislu pratiti provođenje opštih akata kojima se reguliše ostvarivanje prava po osnovu kantonalnog Zakona o dopunskim pravima branilaca i njihovih porodica.

Vijeće će razmatrati Informaciju o materijalnom položaju korisnika ličnih, invalidskih i porodičnih penzija na području općine i Informaciju o ostvarivanju prava i o socijalno statusnom staranju teških RVI, paraplegičara i korisnika tuđe njege.

5. POSLOVI UPRAVE, BUDŽET I FINANSIJA

Vijeće će u ovom periodu razmatrati i donositi odgovarajuće akte u vezi sa donošenjem Budžeta i njegove realizacije. Takođe će se razmatrati i izvještaji o realizaciji Budžeta.

Aktivnost Vijeća bit će usmjerena na dosljedno sprovođenje ustanovnosti, zakonitosti i na poboljšanje usluga vezanih za zahtjeve građana.

Posebna pažnja posvetit će se odnosu službi prema građanima i ažurnosti rješavanja zahtjeva građana, a posebno u poštivanju zakona i podzakonskih i drugih akata.

Nastavit će se sa praksom obezbjeđenja uslova da općinske službe rade kao servis građana i poreskih obveznika, pri tom dajući puni značaj funkcionisanju uspostavljene "Šalter sale".

6. POSLOVI U OBLASTI OBRAZOVANJA, KULTURE I SPORTA

Vijeće će nastojati da u najvećoj mogućoj mjeri osigura lokalne potrebe stanovništva u oblasti brige o djeci, obrazovanju i odgoju, kulturi, fizičkoj kulturi i sportu, sa osvrtom na ruralna (seoska) područja.

a) Obrazovanje

Obrazovanje i odgoj djece u okviru predškolskog odgoja, osnovnog i srednjeg obrazovanja, kao djelatnosti od posebnog društvenog interesa, biće u 2018. godini jedan od prioriteta podrške od strane Vijeća.

Vijeće će putem nadležnog organa uprave pratiti promjene u obrazovanju kako bi se obezbijedilo funkcionisanje osnovnih i srednjih škola u skladu sa zakonom i podzakonskim aktima.

Vijeće će inicirati provođenje aktivnosti na suzbijanju maloljetničke delikvencije, odvratanje od pušenja, alkoholizma, toksikomanije i upotrebe droge i drugih poroka u školama. Stimulisat će sve vidove i oblike amaterskog, fakultativnog i vannastavnog rada, uz kontinuiranu edukaciju djece i roditelja.

Neophodno je preventivno djelovati, zaokupiti pažnju i organizirati takve aktivnosti kojim će se mladi kroz razne vidove edukacija, sportskih i kulturnih aktivnosti, razmjenama iskustava kroz međunarodnu, međuopćinsku i međureligijsku saradnju, koristeći stečena iskustva drugih sredina, uspješno organizovati u borbi protiv svih negativnih pojava u društvu.

b) Kultura

Općinsko vijeće će svoje aktivnosti iz domena ove oblasti poduzimati u cilju poboljšanja razvoja kulture Općine Breza u 2018. godini.

Podržat će se amaterizam kao oblik masovnog okupljanja svih generacija, a naročito djece i omladine u okviru udruženja građana i kroz pojedine projekte.

c) Sport i fizička kultura

Programski planovi masovnije fizičke kulture provode se uglavnom kroz rad Sportskog saveza koji okuplja sportske klubove. Sadržaji i tereni u krugu škola uglavnom su uređeni ili su u procesu uređenja ali su tereni u određenim mjesnim područjima nedovoljni i neuslovni, tako da će se nastaviti aktivnosti na poboljšanju uslova u ovoj oblasti u mjesnim područjima.

Općinsko vijeće će i dalje podržavati rad Sportskog saveza, sportskih klubova kroz obezbjeđenje značajne materijalne osnove.

U skladu sa odlukama Općinskog vijeća vezanim za izgradnju sportske dvorane u Brezi u 2018. godini će se nastaviti realizacija projekta izgradnje Sportske dvorane u Brezi, a u cilju zadovoljavanja potreba većeg broja sportova i većine građana.

7. IMOVINSKO-PRAVNI I GEODETSKI POSLOVI

Općinsko Vijeće će posebnu pažnju posvetiti:

- Preuzimanju i dodjeli zemljišta u svrhu građenja u skladu sa Zakonom o građevinskom zemljištu i Zakonom o prostornom uređenju;

- Praćenju realizacije Odluke o prodaji zemljišta i privođenje trajnoj namjeni prodatih parcela;
- Praćenju upisa prava na nekretninama u katastarsko-knjižne i zemljišno knjižne evidencije;
- Provedbi Odluke o određivanju građevinskog zemljišta;

Vijeće će na osnovu Zakona o građevinskom zemljištu donositi potrebne akte u prvom redu odluke o preuzimanju zemljišta za potrebe provođenja dokumenata prostornog uređenja i o utvrđivanju opšteg interesa za izgradnju i rekonstrukciju lokalnih puteva i drugih objekata infrastrukture.

8. OBLAST ZAŠTITE I SPAŠAVANJA

U oblasti zaštite i spašavanja ljudi i materijalnih dobara od prirodnih i drugih nesreća, aktivnost Vijeća će biti usmjerena ka funkcionisanju sistema civilne zaštite u skladu sa Zakonom o zaštiti i spašavanju ljudi i materijalnih dobara od prirodnih i drugih nesreća („Službene novine FBiH“ broj 39/03 i 22/06) i Zakona o zaštiti od požara i vatrogastvu („Službene novine FBiH“ broj 66/09) uz pružanje materijalne i finansijske podrške za nabavku potrebnih sredstava za podršku ostvarivanju programskih ciljeva.

Posebna pažnja će se posvetiti pitanju jačanja protupožarne zaštite na području općine Breza i poduzimati aktivnosti na otklanjanju šteta uzrokovanih požarom u 2018.godini.

Vijeće podržava da se ova oblast normativno uredi i uskladi sa važećim propisima.

9. OBLAST OSTVARIVANJA ZAKONITOSTI U RADU

Vijeće će razmatrati godišnji Izvještaj općinskog načelnika i službi za upravu kao i Izvještaj o radu radnih tijela Vijeća koja su u okviru svoje nadležnosti pratila i razmatrala rad izvršnog organa općine i predlagati mjere za unaprijeđenje kvaliteta rada uprave.

Općinsko vijeće očekuje da se posebna pažnja posveti zakonitosti u radu općinskog vijeća i njegovih radnih tijela kao i općinskog načelnika i službi za upravu.

10. SOCIJALNA POLITIKA

U skladu sa važećim propisima, nadležnom organu Općine i JU Centar za socijalni rad Breza povjereni su poslovi i zadaci iz oblasti socijalne zaštite kroz zaštitu porodice sa djecom, zaštite prava civilnih žrtava rata, poslovi vezani za raseljena lica, izbjeglice, poslovi za realizaciju povremenih humanitarnih programa pomoći, informaciono-dokumentacioni i administrativni poslovi, o čemu Vijeće traži redovno informisanje. Pitanje zbrinjavanja starih i iznemoglih općina će i dalje rješavati kroz finansiranje rada JU Centar za socijalni rad Breza.

11. ZDRAVSTVENA ZAŠTITA

Vijeće će u okviru svoje nadležnosti, razmatrati Informaciju o stanju i problemima u oblasti primarne zdravstvene zaštite na području Općine, iz koje će se prepoznati pravci prevazilaženja problema i slabosti koje prate ovu oblast na području Općine Breza, a uz punu saradnju sa JU Dom zdravlja Breza, te putem viših organa vlasti nastaviti na rješavanju liječenja građana Općine Breza u Kliničkom centru Univerziteta Sarajevo.

12. INFORMISANJE

U cilju informisanja građana na području općine o radu Vijeća i njegovih radnih tijela u narednom periodu, Vijeće će i dalje redovno saradivati sa sredstvima javnog informisanja, kako na lokalnom nivou, tako i šire.

Vijeće će u okviru svoje nadležnosti putem Općinskog načelnika i službi tražiti redovno informisanje građana, izradu potrebnog informativnog materijala koji će se učiniti dostupnim građanima u najvećoj mogućoj mjeri.

13. SARADNJA SA DRUGIM OPĆINAMA I MEĐUNARODNA SARADNJA

Vijeće će nastaviti sa otvorenom politikom saradnje sa svim potencijalnim partnerima u oblasti privrede, nauke, sporta i kulture.

Potrebno je uspostaviti što tješnju saradnju u okviru Saveza općina i gradova Federacije Bosne i Hercegovine koji predstavlja jedan od instrumenata ostvarivanja prava iz samoupravnog djelokruga općina.

Podržati saradnju Općine Breza u projektima prekogranične saradnje u cilju dobijanja sredstava IPA fondova.

II – SADRŽAJ PROGRAMA

U 2018. godini Općinsko vijeće će razmatrati:

A – OBLAST LOKALNE SAMOUPRAVE I UPRAVE

1. Program rada Općinskog vijeća za 2018. godine

Nosilac izrade: Stručna služba Općinskog vijeća

Predlagač: Predsjednici klubova parlamentarnih stranaka

Rok: januar 2018. godine.

2. Zaključak o vođenju postupka za dodjelu javnih priznanja Općine Breza za 2018. godinu.

Nosilac izrade: Stručna služba Općinskog vijeća

i Komisija za odlikovanja i općinska priznanja

Predlagač: Komisija za odlikovanja i općinska priznanja

Rok: januar, 2018. godine.

3. Odluka o utvrđivanju naknada za rad upravnih odbora u JU čiji je osnivač Općine Breza.

Nosilac izrade: Općinski načelnik

Predlagač: Općinski načelnik

Rok: januar 2018 godine.

4. Odluka o kriterijima mjerilima i načinu finansiranja parlamentarnih grupa političkih stranaka Općinskog vijeća Breza iz Budžeta Općine Breza za 2018 godinu.

Nosilac izrade: Služba za finansije

Predlagač: Služba za finansije

Rok: januar 2018 godine.

5. Plan i program utroška budžetskih sredstava planiranih u Budžetu Općine Breza za 2018 godinu.

Nosilac izrade: Služba za privredu i Služba za finansije

Predlagač: Služba za privredu i služba za finansije.

6. Odluka o općinskim priznanjima.

Nosilac izrade: Stručna služba Općinskog vijeća

Predlagač: Komisija za odlikovanja i općinska priznanja

Rok: mart 2018. godine (dodjela priznanja).

7. Izvještaj o radu jedinstvenog Općinskog organu uprave Općine Breza za 2017. godinu.

Nosilac izrade: Opštinske službe za upravu

Predlagač: Općinski načelnik

Rok: mart 2018. godine.

8. Izmjene i dopune Statuta Općine Breza i Posovnika o radu Općinskog vijeća.

Predlagač: Općinsko vijeće

Nosilac izrade: Komisija za Statut i propise i Stručna služba Općinskog vijeća

Rok: maj 2018. nacrt, prijedlog juli 2018.

9. Odluka o izmjenama i dopunama Odluke o javnim priznanjima.

Predlagač: Općinsko vijeće

Nosilac izrade: Stručna služba Općinskog vijeća
i Komisija za odlikovanja i općinska priznanja.

Rok: oktobar-nacrt 2018.godine
prijedlog- novembar 2018. godine .

III - NORMATIVNO-PRAVNI POSLOVI

B - Oblast finansija

1. Budžet Općine Breza za 2019.godinu

Nosilac izrade: Služba za finansije, inspekcijske poslove i opću upravu

Predlagač: Općinski načelnik

Rok: nacrt – novembar 2018. godine
prijedlog - decembar 2018. godine

2. Odluka o izvršavanju Budžeta Općine Breza za 2019. godinu

Nosilac izrade: Služba za finansije, inspekcijske poslove i opću upravu

Predlagač: Služba za finansije, inspekcijske poslove i opću upravu

Rok: prijedlog decembar 2018. godine

3. Odluka o izboru idejnog rješenja gradske tržnice

Predlagač: Služba za privredu

Rok: mart 2018.

4. Odluka o izgradnji spomen obilježja na području općine Breza

Predlagač: Služba za privredu

Rok: mart 2018.

5. Odluka o nekategorisanim cestama na području općine Breza

Predlagač: Služba za privredu

Rok izrade: april 2018.

6. Odluka o određivanju i označavanju naseljenih mjesta, zaseoka, naziva ulica i trgova i određivanju kućnih brojeva i označavanju zgrada brojevima na području općine Breza

Predlagač: Služba za privredu i služba za prostorno uređenje

Rok: maj 2018.

C) – Oblast prostornog uređenja, komunalne djelatnosti i zaštite čovjekove okoline

1. Odluka o vrijednosti boda 1 m² stambenog prostora na Općini Breza.

Nosilac izrade: Služba za prostorno uređenje, zaštitu okolice, geodetske i imovinsko-pravne poslove

Predlagač: Služba za prostorno uređenje, zaštitu okolice, geodetsko i imovinsko-pravne poslove

Rok: prijedlog februar 2018. godine

2. Program obavljanja komunalnih usluga zajedničke komunalne potrošnje.

Nosilac izrade: Služba za prostorno uređenje, zaštitu okolice, geodetske i imovinsko-pravne poslove

Predlagač: Služba za prostorno uređenje, zaštitu okolice, geodetsko i imovinsko-pravne poslove

Rok: nacrt januar 2018. godine

Prijedlog: februar 2018. godine

3. Odluka o visini naknade za uspostavljanje prava služnosti na zemljištu u vlasništvu Općine Breza.

Nosilac izrade: Služba za prostorno uređenje, zaštitu okolice, geodetske i imovinsko-pravne poslove

Predlagač: Služba za prostorno uređenje, zaštitu okolice, geodetsko i imovinsko-pravne poslove

Rok: Prijedlog mart 2018. godine

4. Donošenje Odluke o sprovođenju konkursa za privremeno korištenje poslovnih prostora:

Nosilac izrade: Služba za prostorno uređenje, zaštitu okolice, geodetske i imovinsko pravne poslove

Rok: Po potrebi

5. Utvrđivanje nacrtu i donošenje zaključaka o provođenju javne rasprave o Nacrtu Regulacionog plana " Uže gradsko područje".

Nosilac izrade: Općinsko vijeće Breza, Služba za prostorno uređenje, zaštitu okolice, geodetske i imovinsko pravne poslove.

Rok februar 2018. godine.

6. Usvajanje nacrtu i donošenje zaključka o provođenju javne rasprave o nacrtu izmjena i dopuna Regulacionog plana "Potkraj"

Nosilac izrade: Služba za prostorno uređenje, zaštitu okolice, geodetske i imovinsko pravne poslove

Rok izrade februar 2018. godine.

7. Usvajanje nacrtu i donošenje zaključka o provođenju javne rasprave o Regulacionom planu "Poljice"

Nosilac izrade: Služba za prostorno uređenje, zaštitu okolice, geodetske i imovinsko pravne poslove

Rok izrade: maj 2018. godine.

8. Usvajanje nacrtu i donošenje zaključka o provođenju javne rasprave Regulacionog plana "Kolonije"

Nosilac izrade: Služba za prostorno uređenje, zaštitu okolice, geodetske i imovinsko pravne poslove

Rok izrade: maj 2018. godine.

9. Usvajanje nacrtu i donošenje zaključka o provođenju javne rasprave Regulacionog plana „Hrasno“

Nosilac izrade: Služba za prostorno uređenje, zaštitu okolice, geodetske i imovinsko pravne poslove

Rok izrade: juni 2018. godine.

10. Usvajanje prijedloga plana i Odluke o provođenju Regulacionog plana " Dio uže gradsko područje"

Nosilac izrade: Služba za prostorno uređenje, zaštitu Okolice, geodetske i imovinsko-pravne poslove

Predlagač: Služba za prostorno uređenje, zaštitu okolice, geodetsko i imovinsko-pravne poslove

Rok: juli 2018. godine

11. Usvajanje prijedloga plana i Odluke o provođenju izmjena i dopuna Regulacionog plana „Potkraj“

Nosilac izrade: Služba za prostorno uređenje, zaštitu Okolice, geodetske i imovinsko-pravne poslove

Predlagač: Služba za prostorno uređenje, zaštitu okolice, geodetsko i imovinsko-pravne poslove

Rok: maj 2018. godine

12. Usvajanje prijedloga i odluke o provođenju Regulacionog plana „Poljice“

Nosilac izrade: Služba za prostorno uređenje, zaštitu Okolice, geodetske i imovinsko-pravne poslove

Predlagač: Služba za prostorno uređenje, zaštitu okolice, geodetsko i imovinsko-pravne poslove

Rok: septembar 2018. godine

13. Usvajanje prijedloga i Odluke o provođenju Regulacionog plana „Kolonije“

Nosilac izrade: Služba za prostorno uređenje, zaštitu Okolice, geodetske i imovinsko-pravne poslove

Predlagač: Služba za prostorno uređenje, zaštitu okolice, geodetsko i imovinsko-pravne poslove

Rok: septembar 2018. godine

14. Usvajanje prijedloga Odluka o provođenju Regulacionog plana „Hrasno“

Nosilac izrade: Služba za prostorno uređenje, zaštitu Okolice, geodetske i imovinsko-pravne poslove

Predlagač: Služba za prostorno uređenje, zaštitu okolice, geodetsko i imovinsko-pravne poslove

Rok: oktobar 2018. godine

**15. Donošenje Odluka o izradi Regulacionih planova po zahtjevu investitora
provođenje postupka pripreme, utvrđivanje nacрта tih planova, provođenje
javne rasprave kao i usvajanje prijedloga plana i odluka o usvajanju
regulacionih planova po zahtjevima investitora.**

Nosilac izrade: Služba za prostorno uređenje, zaštitu Okolice, geodetske i imovinsko-pravne poslove

Predlagač: Služba za prostorno uređenje, zaštitu okolice, geodetsko i imovinsko-pravne poslove

Rok: po potrebi

**16. Donošenje rješenja o preuzimanju i dodjeli zemljišta u postupku rješavanja
vlasničko-pravnih odnosa iz nadležnosti Općinskog vijeća.**

Nosilac izrade: Služba za prostorno uređenje, zaštitu okolice, geodetske i imovinsko-pravne poslove

Predlagač: Služba za prostorno uređenje, zaštitu okolice, geodetsko i imovinsko-pravne poslove

Rok: po potrebi

**17. Donošenje Odluke o načinu i uslovima raspolaganja nekretninama
u vlasništvu Općine Breza.**

Nosilac izrade: Služba za prostorno uređenje, zaštitu okolice, geodetske i imovinsko-pravne poslove

Predlagač: Služba za prostorno uređenje, zaštitu okolice, geodetsko i imovinsko-pravne poslove

Rok: po potrebi.

**18. Odluka o sprovođenju konkursa za privremeno korištenje poslovnih
prostora**

Nosilac izrade: Služba za prostorno uređenje, zaštitu okolice, geodetke i imovinsko-pravne poslove

Predlagač: Služba za prostorno uređenje, zaštitu okolice, geodetsko i imovinsko-pravne poslove

Rok: po potrebi

19. Donošenje rješenja o utvrđivanju prava vlasništva na gradskom

građevinskom zemljištu.

Nosilac izrade: Služba za prostorno uređenje, zaštitu okolice, geodetske i imovinsko-pravne poslove

Predlagač: Služba za prostorno uređenje, zaštitu okolice, geodetsko i imovinsko-pravne poslove

Rok: po potrebi.

20. Usvajanje izmjena i dopuna Odluke o zauzimanju javnih površina

Nosilac izrade: Služba za prostorno uređenje, zaštitu Okolice, geodetske i imovinsko-pravne poslove

Predlagač: Služba za prostorno uređenje, zaštitu okolice, geodetsko i imovinsko-pravne poslove

Rok: mart 2018. godine

21. Usvajanje Pravilnika o uslovima za obavljanje poslova upravitelja:

Nosilac izrade: Služba za prostorno uređenje, zaštitu Okolice, geodetske i imovinsko-pravne poslove

Predlagač: Služba za prostorno uređenje, zaštitu okolice, geodetsko i imovinsko-pravne poslove

Rok: februar 2018. godine

22. Usvajanje uputva o načinu promjene upravitelja

Nosilac izrade: Služba za prostorno uređenje, zaštitu Okolice, geodetske i imovinsko-pravne poslove

Predlagač: Služba za prostorno uređenje, zaštitu okolice, geodetsko i imovinsko-pravne poslove

Rok: februar 2018. godine

D – Studijsko-analički i informaciono - dokumentacioni materijali

1. Informacija o stanju privrede na području Općine Breza

Nosilac izrade: Služba za privredu

Predlagač: Služba za privredu

Rok: februar 2018. godine

2. Program rada javnih ustanova za 2018. godinu.

Nosilac izrade: Služba za finansije, inspekcijske poslove i opću upravu i direktori javnih ustanova

Predlagač: Služba za privredu, finansije i opću upravu

Rok: februar 2018. godine

3. Informacija o stanju opšteg kriminaliteta i javnog reda i mira za 2017. godinu i kvartalni izvještaj za 2018. godinu sa akcentom na maloljetničku delikvenciju.

Nosilac izrade: Policijska stanica Breza

Predlagač: Policijska stanica Breza

Rok: mart - za 2018. godinu,

Rok: za 2018. godinu – kvartalno, svakih šest mjeseci

4. Izvještaj o radu Komisije za procjenu vrijednosti nekretnina za period 01.01.2017. do 31.12.2017. godine

Nosilac izrade: Komisija za procjenu nepokretnosti.

Predlagač: Služba za privredu

Rok: mart, 2018. godina

5. Izvještaj u radu stalnih radnih tijela Općinskog vijeća za 2017. godinu.

Predlagač: Komisije i Stručna služba Općinskog vijeća

Rok: mart april 2018. godine.

6. Izvještaj o izvršenju Budžeta Općine Breza za 2017.godinu

Nosilac izrade: Služba za finansije, inspekcijske poslove i opću upravu

Predlagač: Općinski načelnik

Rok: april 2018.godine

7. Informacija o stanju boračkih populacija na području Općine Breza

Nosilac izrade: Služba za finansije, inspekcijske poslove i opću upravu-Odjeljenje BIZ-a,

Predlagač: Služba za finansije, inspekcijske poslove i opću upravu-Odjeljenje BIZ-a,

Rok: april 2018. godine.

8. Program održavanja lokalnih cesta i ulica za 2018.godinu.

Nosilac izrade: Služba za privredu

Predlagač: Služba za privredu

Rok: april, 2018. godine

9. Izvještaj o stanju regionalnih cesta na području Općine Breza

Nosilac izrade: Služba za privredu

Predlagač: Služba za privredu

Rok: april, 2018 godine

10. Izvještaj o radu Općinskog pravobranioca za 2017. godinu.

Nosilac izrade: Općinski pravobranilac

Predlagač: Općinski pravobranilac

Rok :februar 2018. godine

11. Izvještaj o radu organa mjesnih zajednica na području Općine Breza za period 01.08.2017 do 31.12.2017 godine.

Nosilac izrade: Predsjednici savjeta MZ-a i Stručna služba MZ-a,

Predlagač: Predsjednici savjeta MZ-a i Stručna služba MZ-a,

Rok: mart 2018. godine.

12.Odluke o dimnjačarskoj djelatnosti

Nosilac izrade:Radna grupa za izradu Odluke o dimnjačarskoj djelatnosti.

Rok izrade: mart 2018.godini.

13. Izvještaj o redovnom održavanju javnih cesta na području Općine Breza za period 2017/2018 godina

Nosilac izrade: Služba za privredu

Predlagač: Služba za privredu

Rok: maj 2018. godine.

14. Informacija o stanju lokalnih cesta i ulica na području Općine Breza i planiranim mjerama za rekonstrukciju i izgradnju puteva

Nosilac izrade: Služba za privredu

Predlagač: Služba za privredu

Rok: maj 2018 godine

15. Informacija o koncesijama na području Općine Breza

Nosilac izrade: Služba za privredu

Predlagač: Služba za privredu

Rok: maj 2018. godine

16. Izvještaj o radu javnih ustanova sa finansijskim izvještajem za 2017. godinu i izvještaj o radu upravnih odbora javnih ustanova.

Nosilac izrade: Služba za finansije, inspekcijske poslove i opću upravu i direktori javnih ustanova

Predlagač: Služba za finansije, inspekcijske poslove i opću upravu i direktori javnih ustanova

Rok: juni 2018. godine

17. Informacija o realizaciji Javnih nabavki kvartalno u 2018.god.

Nosilac aktivnost: Služba za privredu
Predlagač: Služba za privredu
Rok: juni i decembar 2018.god.

18. Izvještaj o poslovanju i finansijski izvještaj javnih preduzeća u 2017. god. izvještaj o radu Nadzornih odbora javnih preduzeća

Nosilac izrade: Služba za privredu
Predlagač: Služba za privredu
Rok: 30. juli 2018. godine

19. Program priprema i održavanja kulturnih, zabavnih i sportskih manifestacija koje se planiraju organizovati u 2018. godini.

Nosilac izrade: Služba za finansije,inspekcijske poslove i opću upravu
Predlagač: Općinski načelnik
Rok: juni 2018. godine

20. Informacija o gospodarenju šumama na području Općine Breza

Nosilac izrade: Služba za privredu
Predlagač: Služba za privredu
Rok: juni 2018. godine

21. Izvještaj o realizaciji Programa rada Općinskog vijeća za 2017.godinu i zaključaka donesenih od strane Općinskog vijeća.

Nosilac izrade: Stručna služba Općinskog vijeća
Predlagač: Stručna služba Općinskog vijeća
Rok: izvještaj – januar-februar 2018.godine

22. Izvještaj o radu udruženja građana koja se finansiraju iz Budžeta Općine Breza.

Nosilac izrade: Udruženja građana i Služba za finansije,inspekcijske poslove i opću upravu
Predlagač: Udruženja građana i Služba za finansije,inspekcijske poslove i opću upravu
Rok: juli 2018.godine

23. Izvještaj o izvršenju Budžeta Općine Breza za 2018. kvartalno (tromjesečno)

Nosilac izrade: Služba za finansije, inspekcijske poslove i opću upravu.
Predlagač: Služba za finansije, inspekcijske poslove i opću upravu
Rok: april, august,decembar 2018.godine.

24. Informacija o provođenju zdravstvene zaštite stanovništva na području Općine Breza u 2018. godini.

Nosilac izrade: JU Dom zdravlja Breza
Predlagač: Služba za finansije, inspekcijske poslove i opću upravu
Rok: juli 2018. godine

25. Izvještaj Odjeljenje za inspekcijske poslove Općine Breza.

Nosilac izrade: Služba za finansije, inspekcijske poslove i opću upravu
Predlagač: Služba za finansije, inspekcijske poslove i opću upravu
Rok: juli-decembar 2018.godine.

26. Izvještaj o stanju zapošljavanja na području Općine Breza i broj nezaposlenih po kvalifikacionoj strukturi za 2017.godinu.

Nosilac izrade: Zajednica za zapošljavanje Breza
Predlagač: Općinsko vijeće
Rok: septembar 2018.godine.

27. Izvješta o stanju poljoprivrede i poticajnim mjerama za razvoj poljoprivrede na području Općine Breza.

Nosilac izrade: Služba za privredu

Predlagač: Služba za privredu

Rok: septembar 2018.godine.

28. Informacija o položaju mladih na području Općine Breza.

Nosilac izrade: Komisija za mlade i ravnopravnost spolova Općinskog vijeća

Predlagač: Općinski načelnik

Rok: septembar 2018. godine

29. Program preventivnih mjera na suzbijanju uživanja alkohola, droge i drugih opojnih sredstava mladih na području Općine Breza.

Nosilac zadatka: Služba za finansije, inspekcijske poslove i opću upravu i Komisija za pitanja mladih i ravnopravnost spolova i Policijska uprava

Predlagač: Služba za finansije, inspekcijske poslove i opću upravu i Policijska uprava

Rok: septembar 2018. godine.

30. Program razvoja zaštite i spašavanja od prirodnih i drugih nesreća 2018-2023 godina.

Nosilac izrade: Služba civilne zaštite

Predlagač: Općinski načelnik

Rok: februar 2018

31. Informacija o socijalnom i materijalnom položaju penzionera/umirovljenika na području Općine Breza

Nosilac izrade: Općinsko udruženje penzionera/umirovljenika Breza.

Predlagač: Općinsko vijeće

Rok: oktobar 2018.godine.

32. Informacija o stanju u oblasti kulture i sporta na području Općine Breza.

Nosilac izrade: Služba za finansije, inspekcijske poslove i opću upravu u saradnji sa Sportskim savezom Općine Breza

Predlagač: Služba za finansije, inspekcijske poslove i opću upravu

Rok: oktobar-novembar 2018. godine

33. Informacija o upisa učenika u prve razrede osnovnih i srednjih škola i o postignutim rezultatima u učenju i vladanju osnovnih i srednjih škola na području Općine Breza u školskoj 2018/2019.

Nosilac izrade: Služba za finansije, inspekcijske poslove i opću upravu

Predlagač: Služba za finansije, inspekcijske poslove i opću upravu

Rok: oktobar - novembar 2018. godine

34. Informacija o stanju vodosnabdijevanja sa izvorišta na Općini Breza

Nosilac izrade: JP „Komunalno“ d.o.o. Breza.

Predlagač: Služba za privredu

Rok: oktobar-novembar 2018.godine.

35. Izvještaj o stanju protiv požarne zaštite na području Općine Breza

Predlagač: Služba civilne zaštite

Nosilac izrade : Služba civilne zaštite

Rok: decembar 2018.

36. Provođenje plana upravljanja otpadom na području Općine Breza sa Akcionim planom saniranja divljih deponija na području Općine Breza i zaštite životne sredine.

Nosilac izrade: Služba za prostorno uređenje, zaštitu okolice, geodetske i imovinsko-pravne poslove i Služba za finansije, inspeksijske poslove i opću upravu

Predlagač: Općinsko vijeće

Rok: Do iznalaženja rješenja

E) – Ostali poslovi:

1. Pokretanje određenih aktivnosti na iznalaženju zakonskog rješenja za liječenje građana Breze u Kliničkom centru Sarajevo.

Predlagač: Općinsko vijeće

Nosilac izrade: Općinsko vijeće i Općinski načelnik.

Rok: stalan zadatak.

2. Vođenje aktivnosti po pitanju koncesija.

Predlagač:i načelnik

Nosilac aktivnosti:Općinski načelnik i Općinsko pravobranilaštvo,

Rok:Stalan zadatak

3. Informacija o stanju općinske imovine na području Općine Breza.

Predlagač:Općinski načelnik

Nosilac izrade: nadležene općinske službe

Rok decembar 2018. godine

4. Izdavanje potrebnih saglasnosti na akte predviđene zakonom i drugim propisima.

Nosilac zadatka: Općinsko vijeće

Predlagač: Nadležne službe.

Rok: po potrebi

5. Pokretanje određenih inicijativa (donošenje izmjena i dopuna zakona) putem Općinskog vijeća prema višim organima vlasti u cilju poboljšanja uslova života građana Općine Breza.

Nosilac zadatka: Općinski načelnik i općinske službe

Predlagač: Općinsko vijeće

Rok: po potrebi

6. Vođenje aktivnosti i iznalaženje rješenja za utvrđivanje lokacije gradskog groblja, te donošenje potrebnih odluka.

Nosilac izrade: Služba za prostorno uređenje, zaštitu okolice, geodetske i imovinsko-pravne poslove.

Predlagač: Općinsko vijeće.

Rok: Do iznalaženja lokacije.

F) – IZBOR I IMENOVANJE

Općinsko vijeće će u okviru svojih ovlaštenja razmatrati i donositi rješenja o imenovanjima i razrješenjima iz nadležnosti Općinskog vijeća na bazi prijedloga ovlaštenih predlagača.

SVEČANE SJEDNICE OPĆINSKOG VIJEĆA

R/B	Sadržaj	Nosilac posla	Rok
1.	1.mart-Dan nezavisnosti BiH	Općinski načelnik, Stručna služba Općinskog vijeća i osnovne škole	1. mart
2.	6.april- Dan Općine Breza	Općinski načelnik, Općinsko vijeće	6. april
3.	25.novembar – Dan državnosti BiH	Općinski načelnik, Stručna služba Općinskog vijeća i osnovne škole	25.novembar

NAPOMENA:

Program je sačinjen sagledavajući sve predviđene aktivnosti općinskog načelnika i Službi za upravu iz djelokruga rada Općinskog vijeća Breza.

Ukoliko se ukaže potreba za donošenjem novih odluka, kao rezultatom potrebnih usklađivanja sa donošenjem novih zakona ili izmjena postojećih, izvršiće se neophodne dopune ovog Programa.

Općinsko vijeće će pored ovih redovnih poslova, utvrđenih Statutom i Poslovníkom o radu Općinskog vijeća Breza, donositi odluke, rješenja, zaključke, naredbe, uputstva i preporuke, na prijedlog ovlaštenih predlagača, ukoliko se budu ukazivale takve situacije, te zauzimati stavove povodom rješavanja određene problematike iz djelokruga svoga rada u skladu sa zakonom i Statutom Općine Breza.

Zadaci utvrđeni Programom rada su samo okvirni i određeni u minimumu. Ovlašteni predlagači se ovim Programom ne ograničavaju nego od njih vijeće očekuje nove inicijative i prijedloge tokom 2018. godine koje će po podnošenju vijeću shodno utvrđenoj proceduri propisanoj u Poslovníku o radu Općinskog vijeća biti uvrštene u dnevni red sjednica i voditi raspravu o istim, sve u cilju stvaranja pretpostavki za što bolje funkcionisanje općine i što kvalitetnije ostvarivanje prava građana, te privredni prosperitet uopšte.

PREDSJEDAVAJUĆI
Općinskog vijeća
Jusić Vedad, s.r.

Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Na osnovu člana 66. Zakona o građevinskom zemljištu („Službene novine Federacije BiH“, broj: 67/05) i člana 19. stav 2. tačka 25. Statuta općine Breza – Prečišćeni test (Službeni glasnik općine Breza“, broj: 8/09 – „Prečišćeni tekst“), Općinsko vijeće Breza na sjednici održanoj dana 31.01.2018. godine donosi

ODLUKU

o utvrđivanju prosječne konačne građevinske cijene 1m² korisne stambene površine na području općine Breza

Član 1.

Ovom Odlukom utvrđuje se prosječna konačna građevinska cijena 1m² korisne stambene površine na području općine Breza za 2018.godini, u iznosu od 600,00 KM.

Član 2.

Danom stupanja na snagu ove Odluke prestaje da važi Odluka o utvrđivanju prosječne konačne građevinske cijene 1m² korisne stambene površine na području općine Breza broj: 01/1-02-119/17 od 25.01.2017.godine, objavljena u Službenom glasniku općine Breza broj1/17.

Član 3.

Ova Odluka stupa na snagu danom objavljivanja u „Službenom glasniku općine Breza“.

Broj: 01/1-02-212/18
Breza,31.01.2018. godine

PREDSJEDAVAJUĆI
Općinskog vijeća
Jusić Vedad, s.r.

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Na osnovu člana 13. stav 2. tačka 5. i člana 35. stav 3. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj: 49/06 i 51/09), člana 19. stav 1. tačka 5. Odluke o dodjeli u zakup poslovnih zgrada i prostorija na kojima pravo raspolaganja ima Općina Breza („Službeni glasnik Općine Breza“, broj: 3/17), člana 19. tačka 7. i člana 101. stav 3. Statuta Općine Breza – Prečišćeni tekst („Službeni glasnik Općine Breza“, broj: 8/09), Općinsko vijeće Breza na sjednici održanoj dana 31.01.2018. godine, donosi

ODLUKU

o dodjeli u zakup poslovnih prostorija u zgradi „Partizan“

Član 1.

Općina Breza (u daljem tekstu zakupodavac), kao nosilac prava raspolaganja zgrade „Partizan“, koja se nalazi u Brezi, ulica Alije Izetbegovića, dodjeljuju u zakup poslovne prostorije u sklopu navedene zgrade, Udruženju za pravedniji i solidarniji društveni ambijent „ZOOM“ Breza (u daljem tekstu zakupac), u ukupnoj površini od 36,84 m² i to:

- prostoriju u površini od 20,88 m²
- prostoriju u površini od od 8,68 m²
- prostoriju u površini od 7,28 m²

Član 2.

Poslovne prostorije iz člana 1. ove Odluke, dodjeljuju se u zakup Udruženju za pravedniji i solidarniji društveni ambijent „ZOOM“ Breza, na period od 12 (dvanaest) mjeseci,

počev od dana zaključenja Ugovora o zakupu poslovnih prostorija.

Član 3.

Za prostorije iz člana 1. ove Odluke, zakupac je obavezan zakupodavcu plaćati zakupninu u iznosu od 1,00 KM/m² prostorije (mjesečni iznos).

Član 4.

Ovlašćuje se Općinski načelnik da sa zakupcem zaključi Ugovor o zakupu poslovnih prostorija, kojim će se na detaljniji način regulisati prava i obaveze ugovornih strana.

Član 5.

Ova Odluka stupa na snagu osmog dana od dana objavljivanja u "Službenom glasniku Općine Breza".

Broj:01/1-02-214/18
Breza,31.01.2018. godine

PREDSJEDAVALA
Općinskog vijeća
Vedad Jusić, s.r.

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

Na osnovu člana 13. stav 2. tačka 5. i člana 35. stav 3. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj: 49/06 i 51/09), člana 19. stav 1. tačka 5. Odluke o dodjeli u zakup poslovnih zgrada i prostorija na kojima pravo raspolaganja ima Općina Breza („Službeni glasnik Općine Breza“, broj: 3/17), člana 19. tačka 7. i člana 101. stav 3. Statuta Općine Breza – Prečišćeni tekst ("Službeni glasnik Općine Breza", broj: 8/09), Općinsko vijeće Breza na sjednici održanoj dana 31.01.2018. godine, donosi

ODLUKA

o dodjeli u zakup Sportskog centra „Partizan“

Član 1.

Općina Breza (u daljem tekstu zakupodavac), kao nosilac prava raspolaganja Sportskim centrom „Partizan“, a koji se sastoji od zgrade s prostorijama i fiskulturnom salom i vanjskim igralištima za odbojku, košarku i mali fudbal, dodjeljuje u zakup prostorije i fiskulturnu salu, Sportskom savezu općine Breza (u daljem tekstu zakupac), u ukupnoj površini od 262,95 m² i to:

- hodnik, u površini od 6,12 m²
- prostorija (kupati), u površini od 7,75 m²
- prostorija (svlačionica 1), u površini od 8,05 m²
- prostorija (svlačionica 2), u površini od 8,05 m²
- potkrovnna prostorija, u površini od 39 m²
- fiskulturna sala, u površini od 193,98 m²

Član 2.

Poslovne prostorije iz člana 1. ove Odluke, dodjeljuju se u zakup Sportskom savezu općine Breza, na period od 12 (dvanaest) mjeseci, počev od dana zaključenja Ugovora o zakupu poslovnih prostorija.

Član 3.

Za prostorije iz člana 1. ove Odluke, zakupac je obavezan zakupodavcu plaćati zakupninu u iznosu od 1,00 KM/m² prostorija (mjesečni iznos).

Član 4.

Vanjski sadržaji Sportskog centra „Partizan“, to jest odbojkaško igralište, košarkaško igralište i igralište za mali fudbal, daju se na upravljanje, korištenje, održavanje i čuvanje Sporskom savezu općine Breza.

Član 5.

Ovlašćuje se Općinski načelnik da sa zakupcem zaključi Ugovor o zakupu poslovnih prostorija, kojim će se na detaljniji način regulisati prava i obaveze ugovornih strana.

Član 6.

Ova Odluka stupa na snagu osmog dana od dana objavljivanja u "Službenom glasniku Općine Breza".

Broj:01/1-02-213/18
Breza,31.01.2018. godine

PREDSJEDAVALA
Općinskog vijeća
Jusić Vedad, s.r.

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

Na osnovu člana 12. stav 3. Zakona o vodama Zeničko-dobojskog kantona („Službene novine Zeničko-dobojskog kantona“, broj:17/07), Člana 9. Stav 1. Zakona o komunalnim djelatnostima Zeničko-dobojskog kantona (Službene novine Zeničko-dobojskog kantona“, broj: 17/08) i člana 19.tačka 2. i stav 7. Statuta Općine Breza („Službeni glasnik Općine Breza“, broj: 8/09-prečišćeni tekst), Općinsko vijeće Breza, na sjednici održanoj dana 31.01.2018. godine, d o n o s i

O D L U K U

o prenosu prava upravljanja i korištenja izgrađenog vodnog objekta za iskorištavanje voda za vodosnabdijevanje „Vodovod za naselja Trtorići i Opreč sa izvorišta Dadjevac“ na Javno preduzeće „Komunalno“ d.o.o. Breza

Član 1.

Ovom Odlukom se prenosi pravo upravljanja i korištenja izgrađenog vodnog objekta za iskorištavanje voda za vodosnabdijevanje „Vodovod za naselja Trtorići i Opreč sa izvorišta Dadjevac“ sa Općine Breza na Javno preduzeće „Komunalno“ d.o.o. Breza, a koji se sastoji od vodozahvata, gravitacionog cjevovoda do Pumpne stanice 1., Pumpne stanice 1. i Rezervoara 1., Pumpne stanice 2. i Rezervoara 2., Rezervoara 3. potisnog cjevovoda od pumpne stanice 1 do rezervoara 3., Rasteretne komore „Kujave“ i sekundarne mreže u naseljima Trtorići i Opreč.

Vodni objekat posjeduje zakonom propisanu građevinsko-tehničku dokumentaciju: Rješenje broj: 03/2-3-23-1346/12 od 12.12.2012, Rješenje o izmjeni Rješenja, broj:04/1-4-23-1287/17 od 22.09.2017. godine, Glavni projekat: broj: VI/2012, izrađen od strane firme „IBIS“ d.o.o. Zavidovići, oznake 24-IB-GL-K/12 i Upotrebnu dozvolu: broj: 04/1-4-23-1445/17 od 26.12.2017. godine i ista će se predati Javnom preduzeću.

Član 2.

Pravo upravljanja i korištenja vodnog objekta iz prethodnog člana daje se JP „Komunalno“ do.o. Breza, sve dok isto kao javno preduzeće u vlasništvu općine Breza obavlja poslove vodosnabdijevanja.

Član 3.

Vrijednost vodnog objekta iz člana 1. Ove Odluke utvrđena je na osnovu finansijske dokumentacije o ulaganjima u iznosu od: 238.809,08 KM

(dvjestotridesetosamhiljadaosamstodevet i 08/100 konvertibilnih maraka), a ista će se koristiti za potrebe vođenja materijalnog knjigovodstva i obračuna amortizacije, u skladu sa međunarodnim računovodstvenim standardima (MRS) i drugim propisima.

Član 4.

Općina Breza zadržava pravo vlasništva na predmetnom vodnom objektu, a na JP „Komunalno“ d.o.o. Breza se prenosi pravo upravljanja i korištenja, bez prava otuđenja i opterećenja.

Član 5.

JP „Komunalno“ d.o.o. Breza je dužno objekte iz člana 1. ove odluke održavati u funkcionalnom stanju i koristiti ih u skladu sa njihovom prirodom i namjenom, a sve u skladu sa Zakonom o vodama Zeničko-dobojskog kantona, Zakona o komunalnoj djelatnosti zeničko-dobojskog kantona i podzakonskim aktima koji su doneseni na osnovu ovih zakona.

Član 6.

Daje se ovlaštenje Općinskom načelniku da imenuje komisiju koja će izvršiti primopredaju vodnog objekta i dokumentacije iz člana 1. Ove Odluke između Općine Breza i JP „Komunalno“ d.o.o. Breza.

Član 7.

Ova Odluka stupa na snagu osmog dana od dana objavljivanja u "Službenom glasniku općine Breza".

Broj: 01/1-02-202/18,
Breza: 31.01.2018. godine,

PREDSJEDAVALAČI
Općinog vijeća
Vedad Jusić, s.r.

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

Na osnovu člana 19. Odluke o izvršavanju Budžeta Općine Breza za 2018. godinu ("Službeni glasnik Općine Breza", broj: 12/17.), a u vezi sa članom 19. Stav 4. Statuta Općine Breza ("Službeni glasnik Općine Breza", broj: 8/09-prečišćeni tekst) i Odlukom o usvajanju Programa kapitalnih investicija 2017.-2019. godina („Službeni glasnik Općine Breza“, broj: 11/17), na prijedlog Općinskog načelnika, Općinsko vijeće Breza, na sjednici održanoj dana 31.01.2018. godine, d o n o s i:

Z A K L J U Č A K

o davanju saglasnosti na Akcioni plan kapitalnih investicija za 2018. godinu

I.

Daje se saglasnost na Akcioni plan kapitalnih investicija za 2018. godinu, koji će se finansirati iz Budžeta Općine Breza za 2018. godinu, sredstava obezbjeđenih iz drugih izvora - Javni pozivi viših nivoa vlasti i međunarodnih organizacija i donacija, u iznosu od **2.707.811,86KM** (dvamilionasedamstotinasedamhiljada osamstojedanaest konvertibilnih maraka i 86/100), a koji čini sastavni dio ovog Zaključka.

II.

Sredstva planirana Budžetom Općine Breza za namjene predviđene ovim Zaključkom, realizovat će se u skladu sa realizacijom ostvarenih javnih prihoda u Budžetu Općine Breza i prenosom odobrenih sredstava viših nivoa vlasti, međunarodnih organizacija i donatora u Budžet Općine Breza ili direktnim prenosom sredstava dobavljačima u skladu sa zaključenim sporazumima i dodijeljenim ugovorima.

III.

Za realizaciju ovog Zaključka zadužuje se Služba za privredu i Služba za finansije, inspekcijske poslove i opću upravu, svako u okviru svojih nadležnosti.

IV.

Zaključak stupa na snagu danom donošenja i objaviće se u Službenom glasniku Općine Breza.

Broj: 01/1-02-231/18
Breza:31.01.2018.godine

PREDSJEDAVAJUĆI
Općinskog vijeća
Jusić Vedad,s.r.



AKCIONI PLAN KAPITALNIH INVESTICIJA ZA 2018. GODINU

BREZA, januar 2018. godine

– PRAVNI OSNOV ZA DONOŠENJE AKCIONOG PLANA KAPITALNIH INVESTICIJA ZA 2018.GODINU

Pravni osnov za donošenje Akcionog plana za 2018. godinu sadržan je u članu 19. Odluke i izvršavanju Budžeta Općine Breza za 2018. godinu („Službeni glasnik Općine Breza“, broj: 12/17), koji glasi „Sredstva planirana za tekuća i investiciona ulaganja u javnepovršine, kao što su sredstva za komunalne usluge, troškove održavanja i kapitalna ulaganja (Akcioni plan za kapitalne investicije usvaja Općinsko vijeće na narednoj sjednici nakon usvajanja usvojenog budžeta za tu godinu) koristit će se prema Programima koje donosi Općinski načelnik na prijedlog općinskih službi, i u članu 7. stav 4. Statuta Općine

Breza („Službeni glasnik Općine Breza“, broj: 8/09-prečišćeni tekst), koji glasi: Općinski načelnik kao nosilac izvršnih poslova u okviru samoupravnog djelokruga Općine, u okviru svoje nadležnosti izvršava Budžet općine.

U vezi sa navedenim, Općinski načelnik na prijedlog Službe za privredu je donio prijedlog Akcionog plana kapitalnih investicija za 2018. godinu (u daljem tekstu: Akcioni plan) i dostavlja ga Općinskom vijeću Breza na saglasnost.

- OBIM PLANIRANIH ULAGANJA I NAČIN REALIZACIJE

Budžetom Općine Breza za 2018. godinu („Službeni glasnik Općine Breza“, broj: 12/17) planiranu su Kapitalni izdaci – konto 820000 u iznosu od 1.246.986,00 KM.

Na ime kapitalnih investicija planirani su izdaci u iznosu od: 1.131.986,00 KM, i to:

- Uređenje šehidskih mezarja Općine Breza	10.000,00 KM,
- Nova javna rasvjeta	80.000,00KM,
- Projektni planovi i njihove revizije	200.000,00 KM,
- Infrastrukturni projekti po mjesnim zajednicama	841.986,00 KM.
Putevi	571.986,00 KM,
Vodovodi i kanalizacija	270.000,00 KM.

Pored sredstava utvrđenih u Budžetu za 2018. godinu u toku 2017. godine od viših nivoa vlasti i međunarodnih organizacija po javnim pozivima, te donacija građana na ime kapitalnih infrastrukturnih projekata odobreno je ukupno: **1 337.874,56KM**, i to:

1. Odobreni i ugovoreni projekti u 2017. godini

Za navedene projekte provedeni su postupci javnih nabavki i zaključeni ugovori u ukupnoj vrijednosti od **691.874,56KM**. Realizacija zaključenih ugovora će započeti sa početkom građevinske sezone u 2018. godini.

Postupak javne nabavke za projekte Sanacija klizišta Opreč, stambeno zbrinjavanje roma, Izrada glavnog projekta za sportsku dvoranu Mahala –Breza, priključak električne energije za sportsku dvoranu Mahala-Breza, proveden je od strane Općine Breza. Ministarstvo poljoprivrede, šumarstva i vodoprivrede ZDK, u skladu sa sporazumom o zajedničkoj implementaciji projekata, provelo je postupak javne nabavke za projekte: Proširenje sistema javnog vodovoda za naselje Bukovik i Zatvaranje potoka Jasike Faza I dionica III.

Za realizaciju projekta rekonstrukcija mosta na rijeci Stavnji-6 april, donator je u skladu sa Odlukom Općinskog vijeća i zaključenim sporazumom direktno ugovorio radove sa izvođačem radova.

2. Odobreni, a neugovoreni projekti u 2017. godini

Ukupna vrijednost odobrenih a neugovorenih projekata je **796.000,00KM**. Za iste su potpisani protokoli o realizaciji, slijede aktivnosti na obezbjeđenju potrebne građevinsko tehničke dokumentacije, provođenje postupka javne nabavke i zaključenje ugovora o izvođenju radova. Projekti IFAD-a Izgradnja gradske tržnice i Izgradnja lokalnog vodovoda Slivno sufinansirat će se u odnosu 70 % sredstva IFAD-a i 30 % sredstva Budžeta Općine Breza. U tom smislu, obzirom na vrijednost projekata iz Budžeta Općine Breza će se obezbijediti 150.000,00 KM ili 75.000,00 KM po projektu.

Takođe, u skladu sa sporazumom o zajedničkom sufinansiranju projekata iz Programa vodnih naknada Ze-do kantona preuzeta je obaveza sufinansiranja projekta „Proširenje sistema javnog vodosnabdijevanja na naselje Bukovik“, u iznosu od 130.000,00KM, iz čega proizilazi da je ukupni iznos planiranih sredstava iz Budžeta Općine Breza za sufinansiranje projekta 1.082,49 KM, i to sa konta Vodovod i kanalizacija .

3. Projekti iz programa kapitalnih investicija Općine Breza 2017-2019. godina.

Sredstva planirana Budžetom Općine Breza za 2018. godinu Kapitalni izdaci, trošit će se na način da će prioritet imati projekti koji su započeti u prethodnom periodu.

Novi projekti iz Programa kapitalnih investicija 2017.- 2019. godina koristit će se na način i pod uslovima kako je utvrđeno Odlukom o usvajanju Programa kapitalnih investicija, odnosno na način kako je navedeno u projektnim prijedlozima. Projekti sa većim učešćem građana po mjesnim zajednicama imat će prioritet u realizaciji.

Realizacija svih navedenih projekata realizovat će se u skladu sa Zakonom o prostornom uređenju i građenju Zeničko-dobojskog kantona, koji podrazumijeva, riješene imovinsko –pravne odnose, obezbijedenu građevinsko-tehničku dokumentaciju i odobrenje za građenje, zaključen ugovor o izvođenju radova iimenovan stručno-tehnički nadzor.

III LISTA PROJEKATA

1. Odobrenii ugovoreni projekti u 2017. godini po Programima i javnim pozivima viših nivoa vlasti i obezbijedenim donacijama od strane građana.

Cilj :Realizovati ugovore sklopljene u 2017. godini, a čija se realizacija prenosi u 2018. godinu, a navedeni su u Tabeli 1.

Iznos sredstava: 692.957,05 KM

Tabela 1.

R.b.	Naziv projekta	Vrijednost (KM)	Izvor finansiranja
1.	Projekat Sanacije klizišta „Opreč“	163.000,00	Federalno ministarstvo za prostorno uređenje 100.000,00 KM, Kantonalni štab civilne zaštite 63.000,00
2	Projekat „Ucjeljenje potoka Jasike faza I, Dionica III“	70.000,00	Program utroška sredstava vodnih naknada 2017- Ministarstvo za poljoprivredu, šumarstvo i vodoprivredu
3.	Proširenje gradskog vodovoda na naselje Bukovik	131.082,49	Program utroška sredstava vodnih naknada 2017- Ministarstvo za poljoprivredu, šumarstvo i vodoprivredu – odobreno 130.000,00 KM
4.	Projekat stambenog zbrinjavanja Roma u Brezi - I FAZA	199.989,04	Ministarstvo za ljudska prava i izbjeglice BiH
5.	Izrada glavnog projekta Sportske dvorane Mahala-Breza	22.932,00	Ministarstvo za obrazovanje, nauku, kulturu i sport ZDK
6.	Priključak Električne energije na sportsku dvoranu Mahala Breza	11.088,09	Ministarstvo za obrazovanje, nauku, kulturu i sport ZDK
7.	Projekat „Ojačanje mosta na rijeci Stavnji“	75.000,00	Donacija građana
8.	Nabavka vertikalnih centr.pumpi za vodovod Slivno	19.865,43	Vlada Ze-do kantona
Ukupno (KM) :		692.957,05 KM	

2. Odobreni, a neugovoreni projekti u 2017. godini

Za odobrene, a neugovorene projekte u 2017. godini potpisani su Protokoli o realizaciji projekata u toku 2017. godine, a nisu provedeni postupci javne nabavke. U cilju realizacije istih neophodno je provesti sljedeće aktivnosti: ažuriranje i eventualna izrada i

revizija projektne dokumentacije, izrada i revizija projektne tehničke dokumentacije za projekte za koje ne postoji ista, rješavanje imovinsko pravnih odnosa, obezbjeđenje potrebnih saglasnosti i odobrenja za građenje, provođenje postupaka javne nabavke i realizacija ugovora.

Lista odobrenih, a neugovorenih projekata sadržana je u Tabeli 2.

Iznos sredstava: 796.000,00 KM (Budžet općine Breza 150.000,00 KM, drugi izvori 646.000,00 KM)

Tabela 2.

R.b.	Naziv projekta	Vrijednost	Izvor finansiranja
1.	Poboljšanje energetske efikasnosti u JU „Umihana Čuvidina“	30.000,00 KM	Federalno ministarstvo okoliša i turizma
2.	Projekat Sanacije klizišta „Kolonije“	100.000,00 KM	Kantonalni štab civilne zaštite
3.	Izgradnja vodovoda Slivno	250.000,00 KM	IFAD 175.000,00 Budžet Općine Breza 75.000,00 KM
4.	Izgradnja gradske tržnice	250.000,00 KM	IFAD 175.000,00 Budžet općine Breza 75.000,00 KM
5.	Poboljšanje energetske efikasnosti u O.Š. Safvet Beg Bašagić, područna škola Župča	166.000,00 KM	Budžet Vlade ZDK
Ukupno (KM) :		796.000,00 KM	

3. Projektna dokumentacija

Izrada projektne dokumentacije će se finansirati iz sredstava Budžeta Općine Breza, konto broj: 821521- studije izvodljivosti, projektne pripreme i projektovanje, sredstvima građana i sredstvima donatora.

Izrada projektne dokumentacije za projekte od općinskog značaja – javni objekti finansirat će se isključivo iz sredstava Budžeta Općine Breza, dok će se izrada projektne dokumentacije za infrastrukturne projekte koji su u vlasništvu građana i mjesnih zajednica –vodovodi i kanalizacije, sufinansirati sredstvima Budžeta Općine Breza i sredstvima građana, odnosno vlasnika objekata.

Prioritet u izradi projektne dokumentacije za infrastrukturne projekte u vlasništvu građana, imat će projekti sa većim učešćem građana i donatora.

Ukupno planirani iznos sredstavaza ovu namjenu iznosi **113.850,00 KM**, od čega je **105.690,00KM** iz Budžeta Općine Breza, a iznos od **8.160,00 KM** je učešće građana.Lista projekata za koje se planira izraditi projektna dokumentacija je sadržana u tabeli 3.

Tabela 3.

	Naziv projekta	Vrijednost	Izvor finansiranja
1. Javni objekat – odobren			
1.1.	Konkurs za izbor idejnog rješenja gradske tržnice	6.000,00 KM	Budžet Općine Breza
1.2.	Glavni projekat Gradske tržnice	10.000,00 KM	Budžet Općine Breza
Ukupno (KM) :		16.000,00 KM	
2. Vodosnadbijevanje			
2.1.	Glavni projekat rekonstrukcije vodovoda Koritnik	4.500,00 KM	Budžet Općine Breza Građani 10%
2.2.	Glavni projekat vodosnadbijevanja naselja Vrankamen 2.	4.000,00 KM	Budžet Općine Breza Građani 10%

2.3.	Glavni projekat vodosnadbijevanja MZ Sutješčica.	5.000,00 KM	Budžet Općine Breza Građani 10%
Ukupno (KM) :		13.500,00 KM	12.150,00 KM 1.350,00KM
3. Kanalizacija			
3.1.	Glavni projekat kanalizacije u MZ Koritnik	4.750,00 KM	Budžet Općine Breza Građani 10%
3.2.	Glavni projekat kanalizacije u naselju Podgora	6.000,00 KM	Budžet Općine Breza Građani 10%
3.3.	Glavni projekat kanalizacije kroz naselje Trtorići	3.500,00 KM	Budžet Općine Breza Građani 10%
3.4.	Glavni projekat rekonstrukcije kanalizacione mreže u MZ Mahala – podružnica Potkraj	1.000,00 KM	Budžet Općine Breza Građani 10%
3.5.	Projekat odvodnje oborinskih voda iznad ulice Ismeta Šarića	600,00 KM	Budžet Općine Breza
3.6.	Glavni projekat - dogradnja kanalizacione mreže u naselju Vrbovik	1.500,00 KM	Budžet Općine Breza Građani 10%
3.7.	Glavni projekat kanalizacije u MZ Bukovik	5.000,00 KM	Budžet Općine Breza Građani 10%
3.8.	Glavni projekat – regulacija potoka Crema, Bate	4.000,00 KM	Budžet Općine Breza Građani 10%
3.9.	Glavni projekat izgradnje kanalizacionog sistema u MZ Gornja Breza – lokalitet Dužice	3.000,00 KM	Budžet Općine Breza Građani 10%
Ukupno (KM) :		29.350,00 KM	26.415,00 KM 2.935,00KM
4. Putna infrastruktura			
4.1.	Izvedbeni projekat lokalne ceste Breza - Mahmutovića Rijeka	12.500,00 KM	Budžet Općine Breza
4.2.	Saobraćajni projekat za gradske Ulice	2.500,00 KM	Budžet Općine Breza
4.3.	Glavni projekt izgradnje saobraćajnice – veza ulica Žrtava genocida Srebrenice i R444	750,00 KM	Budžet Općine Breza
4.4.	Glavni projekat izgradnje parking prostora Zanatski centar II	4.000,00 KM	Budžet Općine Breza
4.5.	Glavni projekat rekonstrukcije putne infrastrukture u naselju Kamenice – Kamenjača	4.000,00 KM	Budžet Općine Breza Građani 10%
4.6.	Glavni projekat puta „Stara rudnička pruga“	3.250,00 KM	Budžet Općine Breza Građani 10%
4.7.	Glavni projekat izgradnje putne infrastrukture u naselju Založje	6.500,00 KM	Budžet Općine Breza Građani 10%
4.8.	Glavni projekat izgradnje putne infrastrukture u naselju Podgora	6.000,00 KM	Budžet Općine Breza Građani 10%
Ukupno (KM) :		39.500,00 KM	37.525,00 KM

			1.975,00 KM
5. Sport i rekreacija			
5.1.	Izrada projektne dokumentacije za izgradnju dječijih igrališta u užem urbanom području grada	6.000,00 KM	Budžet Općine Breza
5.2.	Izrada projektne dokumentacije za izgradnju mjesnih prostorija i sportskog centra u MZ Izbod	4.000,00 KM	Budžet Općine Breza Građani 20%
5.3.	Izrada projektne dokumentacije za sportsko rekreacioni centar u podružnici Mahala	1.000,00 KM	Budžet Općine Breza Građani 20%
5.4.	Izrada projektne dokumentacije za dječije igralište Koritnik	1.000,00 KM	Budžet Općine Breza Građani 20%
5.5.	Izrada projektne dokumentacije za sportsko-rekreativni centar u naselju Vrboviku	2.500,00 KM	Budžet Općine Breza Građani 20%
5.6.	Izrada projektne dokumentacije za dječije igralište Bukovik	1.000,00 KM	Budžet Općine Breza Građani 20%
Ukupno (KM) :		15.500,00 KM	13.600,00 KM
			1.900,00 KM
Ukupno projektna dokumantacija (KM) :		113.850,00 KM	105.690,00 KM
			8.160,00 KM

4. Program kapitalnih investicija 2017.-2019. godina - lista planiranih projekata za realizaciju u 2018. godini

1. VODOSNADBIJEVANJE			
1.1.	Rekonstrukcija vodovoda Koritnik-Faza I	40.000,00 KM	Budžet Općine Breza Građani 20 %
1.2.	Rekonstrukcija vodovoda Prhinje	30.000,00 KM	Budžet Općine Breza Građani 20 %
1.3.	Izgradnja vodovoda Vrankamen 2, faza I	40.000,00 KM	Budžet Općine Breza Građani 20 %
Ukupno (KM) :		110.000,00 KM	88.000,00 KM
			22.000,00KM
2. KANALIZACIJA			
2.1.	Fazna realizacija projekta kanalizacione mreže u naselju Koritnik	35.000,00 KM	Budžet Općine Breza Građani 20%
2.2.	Fazna realizacija projekta kanalizacione mreže u naselju Trtorići	25.000,00 KM	Budžet Općine Breza Građani 20%
2.3.	Rekonstrukcija kanalizacione mreže u naselju Potkraj	7.000,00 KM	Budžet Općine Breza Građani 20%
2.4.	Odvodnja oborinskih voda ulica Ismeta Šarića	10.500,00 KM	Budžet Općine Breza
2.5.	Završetak kanalizacione mreže u naselju Vrbovik	11.601,01 KM	Budžet Općine Breza Građani 20%
2.6.	Izgradnja i rekonstrukcija kanalizacije u naselju Bukovik	35.000,00 KM	Budžet Općine Breza Građani 20%
Ukupno (KM) :		124.101,01 KM	99.280,81KM

			24.820,20 KM
3. PUTNA INFRASTRUKTURA			
3.1.	Nastavak radova na lokalnoj cesti L 016-011, dionica R444- Haldija	270.000,00 KM	Budžet Općine Breza
3.2.	Rekonstrukcija putne infr.Kamenice-Kamenjača (k.č. 302/2)	30.000,00 KM	Budžet Općine Breza Građani 20%
3.3.	Izgradnja saobraćajnice – veza ulica Žrtava genocida Srebrenice i R444	55.000,00 KM	Budžet Općine Breza
3.4.	Izgradnja parking prostora Zanatski centar II	48.000,00 KM	Budžet Općine Breza
3.5.	Izgradnja dijela puta „Stara rudnička pruga“ –Kamenjača	50.000,00 KM	Budžet Općine Breza Građani 20%
Ukupno (KM) :		453.000,00 KM	437.000,00 KM 16.000,00 KM
4. SPORT I REKREACIJA			
4.1.	Izgradnja dječijih igrališta u užem urbanom dijelu grada	40.986,00 KM	Budžet Općine Breza
Ukupno (KM) :		40.986,00 KM	40.986,00 KM
5. SPOMEN OBILJEŽJA			
	Dovršetak radova na spomen parku Mahala	25.000,00 KM	Građani
	Dovršetak radova na spomen obilježju Slivno	5.000,00 KM	Budžet Općine Breza Građani 20%
Ukupno (KM) :		30.000,00 KM	1.000,00 KM 29.000,00 KM
6. OSTALO			
	Nadogradnja postojeće javne rasvjete u energetski efikasnu javnu rasvjetu u užem urbanom dijelu grada	80.000,00 KM	Budžet Općine Breza
	Rekonstrukcija i uređenje Trga Rudara	250.000,00 KM	Donacija
Ukupno (KM) :		330.000,00 KM	80.000,00 KM 250.000,00 KM
Svega ukupno (KM):		1 088.087,30	746.266,81 KM Općina 91.820,52 KM Građani 250.000,00KM Donacija

7. Sredstva rezerve za interventne aktivnosti.

Iznos sredstava: **18.000,00 KM**. Navedena sredstva koristit će se za uvećanje podcijenjenih vrijednosti pojedinih projekata, za realizaciju eventualno novih projekata.

Ukupna vrijednost realizacije projekata iz Akcionog plana kapitalnih investicija koji se finansiraju iz Budžeta Općine Breza, ne može preći iznos sredstava planiranih Budžetom Općine Breza za 2018. godinu.

ZBIRNA REKAPITULACIJA

R.b.	NAZIV	PLANIRANO (KM)
1.	Odobreni i ugovoreni projekti u 2017. godini	691.874,56

2.	Odobreni, a neugovoreni projekti u 2017. godini za koje su potpisani protokoli o realizaciji	796.000,00
3.	Projektno-tehnička dokumentacija	113.850,00
4.	Projekti iz programa kapitalnih investicija za period 2017.- 2019.godina	1.088.087,30
5.	Sredstva rezervna za interventne aktivnosti	18.000,00
Ukupno:		2.707.811,86 KM

Pored naprijed navedenih projekata, obezbijedit će se i sredstva za finansiranje novih projekata po javnim pozivima viših nivoa vlasti i međunarodnih organizacija koji će se objaviti u 2018. godini. Odabir projekata koji će se aplicirati na javne pozive izvršit će se u skladu sa uslovima javnih poziva, o čemu će Općinsko vijeće biti upoznato. Vlastito učešće, ukoliko bude potrebno obezbijedit će se kroz prestruktuiranje izdataka u okviru budžetskog korisnika, ukoliko bude moguće ili na način da se na ime planiranih projekata iz Akcionog plana, koje eventualno iz opravdanih razloga nije moguće realizovati.

Procjena iznosa sredstava koji će se obezbijediti po javnim pozivima viših nivoa vlasti, 2018. godina:

1. Program vodnih naknada Ze-do kantona: 160.000,00 KM,
2. Fond za zaštitu okoliša Ze-do kantona 80.000,00 KM,
3. Fond za zaštitu okoliša FBiH 80.000,00 KM,
4. Ministarstvo okoliša i turizma FBiH: 60.000,00 KM
5. Ministarstvo prostornog uređenja FBiH: 50.000,00 KM
6. Ministarstvo za ljudska prava i izbjeglice BiH: 50.000,00 KM
7. Drugi izvori finansiranja (ambasade, nevladine domaće i međunarodne organizacije, predpristupni fondovi i sl): 80.000,00 KM.

Broj: 01/2-05-229/18
Breza: 24.01.2018.godine

Općinski načelnik
Munib A. Zaimović, s.r.

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

Broj: 01/1-02-224/18
Breza, 18.01.2018.godine

Na osnovu člana 115. stav 3. Statuta Općine Breza ("Službeni glasnik Općine Breza", broj 8/09 – Prečišćeni tekst) i člana 14. Odluke o javnim priznanjima Općine Breza („Službeni glasnik Općine Breza“, broj 14/14 – Prečišćeni tekst), Općinsko vijeće Breza na sjednici održanoj 31.01.2018. godine, donosi

ZAKLJUČAK

o pokretanju postupka za dodjelu javnih priznanja Općine Breza

I

Da Komisija za odlikovanja i općinska priznanja sprovede postupak dodjele javnih priznanja Općine Breza u skladu sa Odlukom o javnim priznanjima Općine Breza („Službeni glasnik Općine Breza“, broj 14/14 – Prečišćeni tekst).

II

Rok realizacije zaključka je 18.03.2018. godine.

III

Zaključak stupa na snagu danom objavljivanja u „Službenom glasniku Općine Breza“.

DOSTAVLJENO:

1x Predsjednik Komisije za
odlikovanja i općinska prizn.
1x 01/1,
1x a/a.

PREDSJEDAVALAČI

Općinskog vijeća
Vedad Jusić, s.r.

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

Broj: 01/1-02-221/18
Breza, 31.01.2018.godine

Na osnovu člana 115. Statuta Općine Breza (“Službeni glasnik Općine Breza”, broj: 8/09 – Prečišćeni tekst) prilikom razmatranja Nacrta Programa obavljanja komunalnih usluga zajedničke komunalne potrošnje u vremenu 15.03.2018. do 15.03.2018.godine, Općinsko vijeće Breza na sjednici održanoj dana 31.01.2018. godine, donosi

ZAKLJUČAK

I

UTVRĐUJE SE Nacrt Programa obavljanja komunalnih usluga zajedničke komunalne potrošnje u vremenu 15.03.2018. do 15.03.2019.godine.

Po utvrđenom Nacrtu provesti javnu raspravu u okviru vijećnika Općinskog vijeća, predstavnika mjesnih zajednica, predstavnika privrednih subjekata, predstavnika javnih preduzeća i drugih korisnika.

II

Javnu raspravu sprovesti u periodu od 01.02.2018. do 20.02.2018.godine.

III

Za realizaciju zaključka zadužuje se Služba za prostorno uređenje, zaštitu okoline, geodetske i imovinsko-pravne poslove.

Dostavljeno:
1x Služba za prost.uređenje,
1x 01/1,
1x a/a.

PREDSJEDAVAJUĆI
Općinskog vijeća
Jusić Vedad, s.r.

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Broj: 01/1-02-3598/17
Breza, 31.01.2018.godine

Na osnovu člana 115. stav 3. Statuta Općine Breza ("Službeni glasnik Općine Breza", broj 8/09 – Prečišćeni tekst), prilikom razmatranja prijedloga Odluke o davanju prethodne saglasnosti na dodjelu koncesije za istraživanje i eksploataciju mineralnog resursa-uglja na području Općine Breza, Općinsko vijeće Breza na sjednici održanoj dana 31.01.2018. godine, donosi

ZAKLJUČAK

I

DA SE produži javna rasprava po Odluci o davanju prethodne saglasnosti na dodjelu koncesije za istraživanje i eksploataciju mineralnog resursa-uglja na području Općine Breza, za 30 dana.

II

Da Općinski načelnik imenuje pregovarački tim, ispred općinskog Organa Breza koji će sa predstavnicima RMU Breza, utvrditi eksploataciona polja na koje se daje prethodna saglasnost za istraživanje i eksploataciju mineralnog resursa-uglja na području Općine Breza.

III

Za realizaciju tačke I zaključka zaključka zadužuje se Služba za privredu, a za realizaciju tačke II zadužuje se Općinski načelnik.

IV

Zaključak objaviti u „Službenom glasniku Općine Breza“.

DOSTAVLJENO:
1x Općinski načelnik
1x Služba za privredu,
1x 01/1
1x a/a

PREDSJEDAVAJUĆI
Općinskog vijeća
Jusić Vedad,s.r.

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

Broj: 01/1-02-225/18
Breza, 31.01.2018. godine

Na osnovu člana 115. stav 3. Statuta Općine Breza ("Službeni glasnik Općine Breza", broj 8/09 – Prečišćeni tekst), na prijedlog vijećnika Buljetović Čamila o podnešene inicijativi da se na dnevni redovne sjednice Općinskog vijeća uvrsti tačka „Informacija o stanju sporta na području Općine Breza, Općinsko vijeće na sjednici održanoj 31.01.2018 godine donosi:

ZAKLJUČAK

I

DA SE sačini sveobuhvatna Informacija o stanju sporta na području općine Breza te da se predlože konkretne mjere u cilju prevazilaženje postojećeg stanja u segmentu sporta.

II

Na sjednicu Općinskog vijeća pozvati predstavnike sportskih klubova.

III

Za realizaciju zaključka zadužuje se Služba za finansije, inspeksijske poslove i opću upravu kao i predstavnici sportskih klubova.

IV

Zaključak objaviti u „Službenom glasniku Općine Breza“.

DOSTAVLJENO:

1x Služba za finansije, insp. posl. i opću upr.
1x Sportski klubovi,
1x 01/1,
1x a/a.

PREDSJEDAVAJUĆI

Općinskog vijeća
Jusić Vedad, s.r.

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Broj: 01/1-02-226/18
Breza, 31.01.2018. godine

Na osnovu člana 115. stav 3. Statuta Općine Breza ("Službeni glasnik Općine Breza", broj 8/09 – Prečišćeni tekst), na prijedlog predsjedavajućeg Općinskog vijeća Breza te anketnih upitnika koji su popunjeni od strane vijećnika Općinskog vijeća kao i o pokrenutoj inicijativi o uvođenju dostave materijala za sjednice Općinskog vijeća u elektronskoj formi, Općinsko vijeće Breza na sjednici održanoj 31.01.2018 godine donosi:

ZAKLJUČAK**I**

DA SE pristupi uvođenju savremene tehnologije u dostavljanju materijala za sjednice Općinskog vijeća elektronskim putem, kao i ostala korespondencija sa vijećnicima Općinskog vijeća.

II

Za realizaciju zaključka zadužuje se Općinski načelnik, služba za finansije, inspeksijske poslove i opću upravu, predsjedavajući Općinskog vijeća i Stručna služba Općinskog vijeća .

III

Zaključak stupa na snagu danom donošenja i isti će se objaviti u „Službenom glasniku Općine Breza“.

DOSTAVLJENO:

1x Predsjedavajući O.V,
1x Općinski načelnik,
1x 01/1,
1x a/a.

PREDSJEDAVAJUĆI

Općinskog vijeća
Jusić Vedad, s.r.

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće
Broj: 01/1-02-230/18
Breza, 31.01.2018. godine

Na osnovu članova 1., 12. i 13. Zakona o ministarskim, vladinim i drugim imenovanjima Federacije Bosne i Hercegovine (*Službene novine Federacije Bosne i Hercegovine brojevi 12/03, 34/03 i 65/13*), člana 64. Zakona o zdravstvenoj zaštiti Federacije Bosne i Hercegovine (*Službene novine Federacije Bosne i Hercegovine broj 46/10*), člana 12. Odluke o preuzimanju osnivačkih prava nad Javnom ustanovom Dom zdravlja Breza (*Službeni glasnik Općine Breza 09/11*), člana 32. Statuta Javne ustanove Dom zdravlja Breza broj 01-394/2012 od 13.07.2012. godine na osnovu članova 19. i 115. Statuta Općine Breza (*Službeni glasnik općine Breza broj 08/09 – prečišćeni tekst*), na prijedlog Općinskog načelnika, Općinsko vijeće Općine Breza na redovnoj sjednici održanoj dana 31.01.2018. godine, donosi slijedeće:

RJEŠENJE**o razrješenju članova Upravnog odbora JU Dom zdravlja Breza****I**

Razrješavaju se dužnosi članovi Upravnog odbora JU Dom zdravlja Breza(Sl. Glasnik općine Breza broj: 05/17) i to:

- 1.Muratović Kenan, član
- 2.Sanela Redžić, član

II

Prava, obaveze i odgovornosti članova Upravnog odbora Javne ustanove Dom zdravlja Breza prestaju danom stupanja na snagu ovog rješenja.

III

Rješenje stupa na snagu danom donošenja i sto će se objaviti u Službenom glasniku Općine Breza. Dostavljeno:

1x JU Dom zdravlja Breza
2x Razrješeni članovi UO JU Dom zdravlja Breza
1x 01/1
1x a/a

PREDSJEDAVAJUĆI
Općinskog vijeća
Vedad Jusić, s.r.

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće
Broj: 01/1-02-230/18
Breza, 31.01.2018.godine

Na osnovu članova 1. i 4 Zakona o ministarskim, vladinim i drugim imenovanjima Federacije Bosne i Hercegovine (Službene novine Federacije Bosne i Hercegovine brojevi 12/03, 34/03 i 65/13), člana 64. Zakona o zdravstvenoj zaštiti Federacije Bosne i Hercegovine (Službene novine Federacije Bosne i Hercegovine broj 46/10), člana 12. Odluke o preuzimanju osnivačkih prava nad Javnom ustanovom Dom zdravlja Breza (Službeni glasnik Općine Breza 09/11 i člana 115. stav 3. Statuta Općine Breza (Službeni glasnik općine Breza broj 08/09 – prečišćeni tekst), na prijedlog Općinskog načelnika, Općinsko vijeće Općine Breza na sjednici održanoj 31.01.2018. godine donosi

RJEŠENJE

o imenovanju na kraći period članova Upravnog odbora JU Dom zdravlja Breza

I

U Upravni odbor Javne ustanove Dom zdravlja Breza imenuju se članovi Upravnog odbora na kraći periodi i to:

1. Dr. Midhat Beširević, predsjednik
2. Dr. Fatima Balta, član
3. Meliha Beširević, član

II

Lica iz prethodnog stava imenuju se na kraći period do 90 dana počev od dana donošenja ovog Rješenja, odnosno do provođenja konkursne procedure radi konačnog imenovanja članova Upravnog odbora Javne ustanove Dom zdravlja Breza.

III

Prava, obaveze i odgovornosti članova Upravnog odbora Javne ustanove Dom zdravlja Breza regulirana su odredbama Zakonom o zdravstvenoj zaštiti u Federaciji Bosne i Hercegovine (*Službene novine Federacije Bosne i Hercegovine broj 46/10*) i članom 12. Odluke o preuzimanju osnivačkih prava nad Javnom ustanovom Dom zdravlja Breza (*Službeni glasnik Općine Breza 09/11*).

IV

Rješenje stupa na snagu danom donošenja i isto će se objaviti u Službenom glasniku Općine Breza.

Dostavljeno:
1x JU Dom zdravlja Breza
3x Članovi Upravnog odbora
1x 01/1
1x Arhiva

PREDSJEDAVAJUĆI
Općinskog vijeća
Vedad Jusić, s.r.

S A D R Ź A J

1. Program rada Općinskog vijeća za 2018. godinu.
15. Odluka o utvrđivanju prosječne konačne cijene 1m² korisne stambene površine na području općine Breza.
18. Odluka o dodjeli u zakup poslovnih prostorija u zgradi „Partizan“.
stambene površine napodručju općine Breza.
16. Odluka o dodjeli u zakup poslovnih prostorija u zgradi „Partizan“.
stambene površine napodručju općine Breza.
17. Odluka o prenosu prava upravljanja i korištenja izgrađenog vodnog objekta za iskorištavanje voda za vodosnabdijevanje „Vodovod za naselje Trtorići i Opreć sa

- izvorišta Dadjevac“ na Javno preduzeće „Komunalno“ d.o.o. Breza.
18. Zaključak o davanju saglasnosti na Akcioni plan kapitalnih investicija za 2018 godinu. sa Akcionim planom Kapitalnih investicija za 2018 godinu.
- 28 .Zaključak o pokretanju postupka za dodjelu javnih priznanja Općine Breza.
29. Zaključak o utvrđivanju nacrtu Programa obavljanja komunalnih usluga zajedničke komunalne potrošnje u vremenu od 15.03.2018 do 15.03.2019 godine.
29. Zaključak o produženju javne rasprave po Odluci o davanju prethodne saglasnosti na dodjelu koncesija za istraživanje i eksploataciju mineralnog resursa-uglja na području Općine Breza za 30 dana.
- 30.Zaključak da se ssaqčini sveobuhvatna Informacija o stanju sporta na području općine Breza te da se predlože konkretne mjere u cilju prevazilaženja postojećeg stanja u segmentu sporta.
- 31.Zaključak da se pristupi uvođenju savremene tehnologije u dostavljanju materijala sjednice Općinskog vijeća elektronskim putem, kao i ostala korespodencija sa vijećnicima Općinskog vijeća.
- 32.Rješenje o razrješenju članova Upravnog odbora JU Dom zdravlja Breza.
- 32.Rješenje o imenovanju na kraći period članova Upravnog odbora JU Dom zdravlja Breza.